



第一四七三册

四庫全書

●上海古籍出版社

本册目次

四庫全書

上海古籍出版社

御定全唐詩錄(二)

清徐倬編……………一

卷一四十三册

欽定四庫全書

集部  
御定全唐詩錄卷五十一

欽定四庫全書

御定全唐詩錄卷五十一

李賀

賀字長吉系出鄭王後七歲能辭章韓愈皇甫湜始聞未信過其家使賀賦詩授筆輒就自曰高軒過二人大驚自是有名為人纖瘦通眉長爪能疾書每旦日出騎弱馬從小奚奴背一古錦囊遇所得書投囊中未始先立題然後為詩如他人牽

欽定四庫全書

御定全唐詩錄卷五十一

合程課者及暮歸足成之非大醉吊喪日率如此

過亦不甚省母使婢探囊中見所書多即怒曰是

兒當嘔出心乃已耳以父名晉肅不肯舉進士愈

為作原諱然卒亦不就舉所作樂府數十篇雲韶

諸工皆合之絃管位不過奉禮與游者權璩楊敬

之王參元撰著時為所取年止二十七杜牧序為二十七字

商隱傳為二十四

杜牧序曰元和中韓吏部亦頗道其歌詩雲烟絲

詳校官左中允臣璿五珠

主事銜臣徐以坤覆勘

總校官原任中允臣王燕緒

校對官中書臣田尹衡

騰錄監生臣俞鳳

聯不足為其態也水之迢迢不足為其情也春之  
盎盎不足為其和也秋之明潔不足為其格也風  
檣陣馬不足為其勇也瓦棺冢鼎不足為其古也  
時花美女不足為其色也荒園侈殿梗莽丘隴不  
足為其怨恨悲愁也鯨吐鼈擲牛鬼蛇神不足為  
其虛荒誕幻也蓋騷之苗裔理雖不足辭或過之  
騷有感怨刺懟言及君臣理亂時有以激發人意  
及賀所為得無有是賀能探尋前事所以深歎恨  
古今未嘗經道者如金銅仙人辭漢歌補梁庾肩  
吾宮體謠求取情狀離絕遠去筆墨畦畹間亦殊  
不能知之賀生二十七年死矣世皆曰使賀且未  
死少加以理奴僕命騷可也  
東觀餘論云李賀逸詩凡五十二首按唐李公藩  
擬賀詩為之序未成聞知賀有外兄與賀有筆  
硯舊召見託以搜採故失其人諾且請曰甚盡記  
篇章竄改處多願得公所輯視之當為定正公喜

欽定四庫全書

御定全唐詩錄  
卷五十一

二

古體詩

併付之彌年絕跡後召詰之乃云某與賀中表自  
幼同處恨其倨忽嘗思報之今幸得公所藏兼舊  
有者悉投溷中矣公大恚叱之出嗟慨良久故賀  
章什流傳者少今世所行杜牧所叙方四卷耳此  
逸詩奚非李藩所藏之一二乎

還自會稽歌

并序

庾肩吾於梁時嘗作宮體謠引以應和皇子及  
國勢淪敗肩吾先潛難會稽後始還家僕意其  
必有遺文今無得焉故作還自會稽歌以補其

悲

野粉椒壁黃濕螢滿梁殿臺城應教人秋衾夢銅輦吳  
霜點歸鬢身與塘蒲晚脈脈辭金魚羈臣守廷賤

詠懷

長卿懷茂陵綠草垂石井彈琴看文君春風吹鬢影梁  
王與武帝棄之如斷梗唯留一簡書金泥泰山頂

欽定四庫全書

御定全唐詩錄  
卷五十一

三

蜀國弦

楓香晚花靜錦水南山影驚石墜猿哀竹雲愁半嶺涼  
月生秋浦玉沙鄰鄰光誰家紅淚客不忍過瞿塘

走馬引

我有辭鄉劍玉鋒堪截雲襄陽走馬客意氣自生春朝  
嫌劍花淨莫嫌劍光冷能持劍向人不解持照身

申胡子觴策歌 并序

申胡子朔客之蒼頭也朔客李氏本亦世家子

欽定四庫全書

御定全唐詩集  
卷五十一

四

得祀江夏王廟當年踐履失序遂奉官北郡自

稱學長調短調久未知名今年四月吾與對舍

於長安崇義里遂將衣質酒命予合飲氣熱杯

闌因謂吾曰李長吉爾徒能長調不能作五字

歌詩直強迴筆端與陶謝詩勢相遠幾里吾對

後請撰申胡子觴策歌以五字斷句歌成左右

人合噪相唱朔客大喜擊觴起立命花孃出幕

哀徊拜客吾問所宜稱善平弄於是以此辭配

聲與子為壽

顏熱感君酒含嚼蘆中聲花孃篆綬安休睡芙蓉屏誰  
截太平管列點排空星直貫開花風天上驅雲行今夕  
歲華落令人惜平生心事如波濤中坐時時驚朔客騎  
白馬劍弮懸蘭纓俊健如生猱肯拾蓬中螢

長歌續短歌

長歌破衣襟短歌斷白髮秦王不可見旦夕成內熱渴  
飲壺中酒飢拔隴頭粟淒淒四月關千里一時綠夜峯  
何離離明月落石底徘徊沿石尋照出高峯外不得與  
之游歌成鬢先改

感賦

合浦無明珠龍洲無木奴足知造化力不給使君須越  
婦未織作吳蠶始蠕蠕縣官騎馬來擗色虬紫鬚懷中  
一方板板上數行書不因使君怒馬得詣爾盧越婦拜  
縣官桑牙今尚小會待春日晏絲車方擲掉越婦通言  
語小姑具黃梁縣官踏澮去簿吏復登堂

欽定四庫全書

御定全唐詩集  
卷五十一

五

南山何其悲鬼雨灑空草長安夜半秋風前幾人老低  
迷黃昏還裏裏青襟道月午樹無影一山唯白曉漆炬  
迎新入幽曠螢擾擾

贈陳高

長安有男兒二十心已朽楞伽堆案前楚辭繫肘後人  
生有窮拙日暮聊飲酒祇令道已塞何必須白首淒淒  
陳述聖披褐鉏豆學為堯舜文時人責衰偶柴門車  
轍凍日下榆影瘦黃昏訪我來苦節青陽敬太華五千

欽定四庫全書

御定全唐詩錄  
卷五十一

六

仞勞地抽森秀旁古古字疑作古字無寸尋一上戛牛斗公卿

縱不憐寧能鎖我口李生師太華大坐看白晝逢霜作  
樸橄得氣為春柳禮節乃相去顛顛如芻狗風雪值齋  
壇墨組貫銅綬臣妾氣態間唯欲承其常天眼何時開  
古劍庸一吼

題趙生壁

大婦然竹根中婦春玉屑冬暖拾松枝日烟生蒙滅木  
鮮青桐老石井水聲發曝背卧東亭桃花滿肌骨

送韋仁實兄弟入關

送客飲別酒千觴無緒顏何物最傷心馬首鳴金鏜野  
色浩無主秋明空曠間坐來壯膽破斷目不能看行槐  
引西道青梢長攢攢韋郎好兄弟疊玉生文翰我在山  
上舍一畝蒿碭田夜雨叫租吏春聲暗交關誰解念勞  
勞蒼突唯南山

蘇小小墓

幽蘭露如晝眼無物結同心烟花不堪剪草如茵松如  
蓋風為裳水為珮油壁車久相待冷翠燭勞光彩西陵  
下風吹雨

欽定四庫全書

御定全唐詩錄  
卷五十一

七

李憑箏篋引

吳絲蜀桐張高秋空山凝雲頽不流江城曉竹素女愁  
李憑中國彈箏篋崑山玉碎鳳凰叫芙蓉泣露香蘭笑  
十二門前融冷光二十三絲動紫皇女媧鍊石補天處  
石破天驚逗秋雨夢入神山教神嫗老魚跳波瘦蛟舞  
吳質不眠倚桂樹露脚斜飛濕寒兔

殘絲曲

垂楊葉老鶯哺兒殘絲欲斷黃蠶歸綠鬢少年金釵客  
縹粉壺中沈琥珀花臺欲暮春辭去落花起作迴風舞  
榆莢相催不知數沈郎青錢夾城路

送沈亞之歌 并序

文人沈亞之元和七年以書不中第返歸於吳  
江吾悲其行無錢酒以勞又感沈之勤請乃歌

一解以勞之

欽定四庫全書

蘇定全唐詩集 卷五十一

吳興才人怨春風桃花滿陌千里紅紫絲竹斷驄馬小  
家住錢塘東復東白藤交穿織書笈短策齊裁如梵夾  
雄光寶礦獻春卿烟底暮波乘一葉春卿拾材白日下  
擲置黃金解龍馬攜笈歸江重入門勞勞誰是憐君者  
吾聞壯夫重心骨古人三走無推掉請君待且事長鞭  
他日還轅及秋律

春坊正字劍子歌

先輩匣中三尺水曾入吳潭斬龍子隙月斜明刮露寒

雁門太守行

黑雲壓城城欲摧甲光向日金鱗開角聲滿天秋色裏  
塞上燕支凝夜紫半卷紅旗臨易水霜重鼓寒聲不起  
報君黃金臺上意提携玉龍為君死 幽州鼓吹云賀以  
歌詩請韓公時公

送客歸杜困解帶請之首篇  
乃雁門太守行即東帶見之

欽定四庫全書

蘇定全唐詩集 卷五十一

大堤曲

妾家住橫塘紅紗滿桂香青雲教館頭上髻明月與作  
耳邊瑞蓮風起江畔春大堤上留北人郎食鯉魚尾妾  
食猩猩唇莫指襄陽道綠浦歸帆少今日菖蒲花明朝  
楓樹老

夢天

老兔寒蟬泣天色雲樓半開壁斜白玉輪軋露溼團光  
驚珮相逢桂香陌黃塵清水三山下更變千年如走馬

遙望齊州九點烟一泓海水杯中瀉

唐兒歌

頭玉硤硤眉刷翠杜郎生得真男子骨重神寒天廟器  
一雙瞳人翦秋水竹馬梢梢搖綠尾銀鸞暖光踏半臂  
東家嬌嬈求對值濃笑書空作唐字眼大心雄知所以  
莫忘作歌人姓李

綠章封事

為吳道士  
夜醮作

青霓扣額呼官神鴻龍玉狗開天門石榴花發滿溪津

欽定四庫全書

御定全唐詩錄  
卷五十一

十

溪女洗花染白雲綠章封事咨元父六街馬蹄浩無主

虛空風氣不清冷短衣小冠作塵土金家香榭千輪鳴

揚雄秋室無俗聲願攜漢戟招書鬼休令恨骨填蒿里

河南府試十二月樂辭

錄八首

上樓迎春新春歸暗黃著柳宮漏遲薄薄淡靄弄野姿  
寒綠幽風生短絲錦牀曉卧玉肌冷露臉未開對朝暝  
官街柳帶不堪折早晚菖蒲勝綰結

正月

飲酒採桑津宜男草生蘭笑人蒲如交劍風如黃勞勞

胡燕怨酣春薇帳逗烟生綠塵金翹裁髻愁暮雲杳颺

起舞真珠裙津頭送別唱流水酒客背寒南山死

二月

東方風來滿眼春花城柳暗愁殺人複宮深殿竹風起

新翠舞衿淨如水光風轉蕙百餘畝暖霧驅雲撲天地

軍裝宮妓掃蛾淺搖搖錦旗夾城暖曲水漂香去不歸

梨花落盡成秋苑

三月

晚涼暮涼樹如蓋千山濃綠生雲外依稀香雨青氣氳

膩葉蟠花照曲門金塘閒水搖碧漪老景沈重無驚飛

欽定四庫全書

御定全唐詩錄  
卷五十一

十一

墮紅殘萼暗參差

四月

裁生羅伐湘竹帳拂秋霜簾秋玉炎炎紅鏡東方開暈

如車輪上徘徊啾啾赤帝騎龍來

六月

星依雲渚冷露滴盤中圓好花生木末衰蕙愁空園夜

天如玉砌池葉極青錢獸獸舞衫薄稍知花萼寒晚風

何拂拂北斗光闌干

七月

離宮散螢天似水竹黃池冷芙蓉死月綴金鋪光脈脈

涼苑虛庭空澹白露花飛飛風草草翠錦欄斑斑滿層道

雞人罷唱曉瓊瑰鴉啼金井下疎桐九月

玉壺銀箭曉難傾缸花夜笑疑幽明碎霜斜舞上羅幕  
燭龍兩行照飛閣珠帷怨臥不成眠金鳳刺衣著體寒

長眉對月鬪彎環十月

天上謠

天河夜轉漂迴星銀浦流雲學水聲玉宮桂樹花未落  
仙妾采香垂珮纓秦妃捲簾北窻曉窻前植桐青鳳小  
王子吹笙鵝管長呼龍耕烟種瑤草粉霞紅綬藕絲裙

欽定四庫全書

御定全唐詩錄  
卷五十一

十三

青洲步拾蘭苕春東指羲和能走馬海塵新生石山下

浩歌

南風吹山作平地帝遣天吳移海水王母桃花千遍紅  
彭祖巫咸幾迴死青毛驄馬參差錢嬌春楊柳含細烟  
箏人勸我金屈厄神血未凝身問誰不須浪飲丁都護  
世上英雄本無主買絲繡作平原君有酒惟澆趙州土  
漏催水咽玉蟾蜍衛娘髮薄不勝梳看見秋眉換新綠

二十男兒那刺促

秋來

桐風驚心壯士苦衰鎧絡緯啼寒素誰看青簡一編書  
不遣花蟲粉空靈思牽今夜腸應直雨冷香魂弔書容  
秋墳鬼唱鮑家詩恨血千年土中碧

帝子歌

洞庭明月一千里涼風雁啼天在水九節菖蒲石上死  
湘神彈琴迎帝子山頭老桂吹古香雌龍怨吟寒水光  
沙浦走魚白石郎閒取真珠擲龍堂

欽定四庫全書

御定全唐詩錄  
卷五十一

十三

秦王飲酒

秦王騎虎遊八極劍光照空天自碧羲和敲石玻璃聲  
劫灰飛盡古今平龍頭渴酒邊酒星金槽琵琶夜根根  
洞庭雨脚來吹笙酒酣喝月使倒行銀雲櫛瑤瑤殿明  
宮門掌事報一更花樓玉鳳聲嬌獐海綉紅文香淺清  
黃鵠跌舞千年觥仙人燭樹蠟烟輕清琴醉眼淚泠泠

李夫人

紫皇宮殿重重開夫人飛入瓊瑤臺綠香繡帳何時歇

青雲無光宮水咽  
翩翩桂花墜  
秋月孤鸞驚啼商絲發  
紅壁闌珊懸佩璫  
歌臺小妓遙相望  
玉蟾滴水難人唱  
露花蘭葉參差光

金銅仙人辭漢歌 有序

魏明帝青龍元年八月詔宮官牽車西取漢孝  
武捧露盤仙人欲立置前殿宮官既折盤仙人  
臨載乃潸然淚下唐諸王孫李賀遂作金銅仙

人辭漢歌

欽定四庫全書

蘇詩卷之五十一

十四

茂陵劉郎秋風客  
夜聞馬嘶曉無跡  
畫欄桂樹懸秋香  
三十六宮土花碧  
魏官牽車指千里  
東關酸風射眸子  
空將漢月出宮門  
憶君清淚如鉛水  
衰蘭送客咸陽道  
天若有情天亦老  
攜盤獨出月荒涼  
渭城已遠波聲小

湖中曲

長眉越沙採蘭若  
桂葉水蕖春漠漠  
橫船醉眠白晝閒  
渡口梅風歌扇薄  
燕釵玉股照青渠  
越王嬌郎小字書  
蜀紙封巾報雲鬢  
晚漏壺中水淋瀝

宮娃歌

蠟光高懸照紗空  
花房夜擣紅守宮  
象口吹香氎氎暖  
七星挂城聞漏板  
寒入呆恩殿影昏  
彩鸞簾額著霜痕  
啼蛄弔月鈎欄下  
屈膝銅鋪鎖河甄  
夢入家門上沙渚  
天河落處長洲路  
願君光明如太陽  
放妾騎魚撒波去

勉愛行二首送小李之廬山 錄一首

別柳當馬頭官槐如兔目  
欲將千里別持我易斗粟南

欽定四庫全書

蘇詩卷之五十一

十五

雲北雲空脈斷靈臺經絡懸  
春綫青軒樹轉月滿牀下  
國飢兒夢中見維爾之昆  
二十餘年來持鏡頗有鬚辭  
家三載今如此索米王門  
一事無荒溝古水光如刀庭  
南拱柳生蟻螭江干幼客  
真可念郊原晚吹悲號號  
致酒行

零落棲遲一杯酒  
主人奉觴客長壽  
主父西游困不歸  
家人折斷門前柳  
吾聞馬周昔作新豐客  
天荒地老無人識  
空將牋上兩行書  
直犯龍顏請恩澤  
我有迷魂招不得  
雄雞一聲天下白  
少年心事當拏雲  
誰念幽寒坐

嗚呢

公莫舞歌 并序

公莫舞歌者詠項伯翼蔽劉沛公也會中壯士  
灼灼於人故無復書且南北樂府率有歌引賀  
陋諸家今重作公莫舞歌云

方花古礎排几楹刺豹淋血盛銀鬕華筵鼓吹無桐竹  
長刀直立割鳴箏橫槽麤錦生紅緯日炙錦鳩王未醉  
腰下三看寶玦光項莊掉箭欄前起材官小臣公莫舞

欽定四庫全書

御定全唐詩錄  
卷五十一

十一

座上真人赤龍子芒碭雲瑞抱天迴咸陽王氣清如水  
鐵樞鐵健重束關大旗五丈撞雙鑲漢王今日頒秦印  
絕臚列賜臣不論

胡蝶飛

楊花撲帳春雲熱龜甲屏風醉眼纈東家胡蝶西家飛  
白騎少年今日歸

後園鑿井

井上轆轤牀上轉水聲繁絲聲淺情若何荀奉倩城頭

日長向城頭住一日作千年不須流下去

開愁歌 華下

秋風吹地百草乾華容碧影生晚寒我當二十不得意  
一心愁謝如枯蘭衣如飛鷄馬如狗臨岐擊劍生銅吼  
旗亭下馬解秋衣請賞宜陽一壺酒壺中喚天雲不開  
白晝萬里閒淒迷主人勸我養心骨莫受俗物相填壓

秦宮詩 并序

漢人秦宮將軍梁冀之嬖奴也秦宮得寵內舍

欽定四庫全書

御定全唐詩錄  
卷五十一

十一

故以驕名大噪於人予撫舊而作長辭以馮子  
都之事相為對望又云昔有之詩

越羅衫袂迎春風玉刻麒麟腰帶紅樓頭曲宴仙人語  
帳底吹笙香霧濃人間酒暖春茫茫花枝入簾白日長  
飛憲複道傳籌飲十夜銅盤膩燭黃禿衿小袖調鸚鵡  
紫繡麻靴踏哮虎砍桂燒金侍曉筵白鹿清酥夜半煮  
桐英永巷騎新馬內屋深屏生色畫開門爛用水衡錢  
卷起黃河向身瀉皇天厄運猶曾裂秦宮一生花底活

鸞篋奪得不還人醉睡甍甍滿堂月

苦晝短

飛光飛光勸爾一杯酒吾不識青天高黃地厚唯見月  
寒日暖來煎人壽食熊則肥食蛙則瘦神君何在太一  
安有天東有若木下置銜燭龍吾將斬龍足嚼龍肉使  
之朝不得迴夜不得伏自然老者不死少者不哭何為  
服黃金吞白玉誰似任公子雲中騎碧驢劉徹茂陵多  
滯骨羸政梓棺費鮑魚

欽定四庫全書

御定全唐詩錄  
卷五十一

十八

艾如張

錦襜綸繡襦強飲啄哺爾離隴東卧穉滿風雨莫信  
籠媒隴西去齊人織網如素空張在野田平碧中網絲  
漠漠無形影誤爾觸之傷首紅艾葉綠花誰剪刻中藏  
禍機不可測

巫山高

碧叢叢高插天大江翻瀾神曳烟楚魂尋夢風颺然曉  
風飛雨生苔錢瑤姬一去一千年丁香筇竹啼老猿古

祠近月蟾桂寒椒花墜紅濕雲閒

江南弄

江中綠霧起涼波天上疊嶽紅嵯峨水風浦雲生老竹  
渚暝蒲帆如一幅鱸魚千頭酒百斛酒中倒卧南山綠  
吳歛越吟未終曲江上團團帖寒玉

榮華樂

一作東洛  
梁客謔

鷲肩公子二十餘齒編貝唇激朱氣如虹蛻飲如建瓴  
走馬夜叫叫嚴更遑穿複道游椒房龍裘金玳雜花光

欽定四庫全書

御定全唐詩錄  
卷五十一

十九

玉堂調笑金樓子臺下戲學邯鄲倡口吟舌話稱女郎

錦袿繡面漢帝旁得明珠十斛白璧一雙新詔垂金曳

紫光煌煌馬如飛人如水九卿六官皆望履將迴日月

先反掌欲作江河唯畫地栽栽虎冠上切雲疎劍晨趨

凌紫氛繡段千尋貽卓隸黃金百鎰貶家臣十二門前

張大宅晴春烟起連天碧金鋪綴日雜紅光銅龍蟄環

似爭力瑤姬凝醉卧芳席海素籠窻空下隔丹穴取鳳

充行危攬攬如拳那足食金蟾呀呀蘭燭香軍裝妓

聲琅璫誰知花雨夜來過但見池臺春草長嘈嘈絃吹  
匝天開洪崖簫聲逸天來天長一天貫雙虎雲泥絕騁  
聒早雷亂袖交竿管兒舞吳音綠鳥學言語能教刻石  
平紫金斛送刻毛寄新兔三皇后七貴人五十校尉二  
將軍當時飛去逐彩雲化作今日京華春

沙路曲

柳臉半眠丞相樹珮馬釘鈴踏沙路斷爐遺香裏翠烟  
燭騎唬鳥上天去帝家玉龍開九關帝前動笏移南山  
獨垂重印押千官金窠篆字紅屈盤沙路歸來聞好語

欽定四庫全書

御定全唐詩集  
卷五十一

早火不光天下雨

高軒過

韓員外愈皇甫侍御  
湜見過因而命作

華裾織翠青如葱金環壓轡搖玲瓏馬蹄隱耳聲隆隆  
入門下馬氣如虹云是東京才子文章鉅公二十八宿  
羅心胷元精照耀貫當中殿前作賦聲摩空筆補造化  
天無功麗眉書客感秋蓬誰知死草生華風我今垂翅  
附冥鴻他日不羞蛇作龍

長平箭頭歌

漆灰骨末丹水沙淒淒古血生銅花白翎金鏃雨中盡  
直餘三脊殘狼牙我尋平原乘兩馬驛東石田蒿塢下  
風長日短星蕭蕭黑旗雲溼懸空夜左魂右魄唬肌瘦  
酪瓶倒盡將羊羹蟲棲雁病蘆筍紅迴風送客吹陰火  
訪古沈瀾收斷鐵折鋒赤疊曾到肉南陌東城馬上兒  
勸我將金換蓂竹

江樓曲

樓前流水江陵道鯉魚風起芙蓉老曉釵催鬢語南風  
抽帆歸來一日功量吟浦口飛梅雨竿頭酒旗換青苧  
蕭騷浪白雲差池黃粉油衫寄郎主新槽酒聲苦無力  
南湖一頂菱花白眼前便有千里愁小玉開屏見山色

梁絲上春機

玉甕汲水桐花井倩絲沈水如雲影美人懶態燕脂愁  
春梭拋擲鳴高樓綵線結茸背複疊白袷玉郎寄桃葉  
為君挑鸞作腰綬願君處處宜春酒

神弦曲

西山日沒東山昏旋風吹馬馬踏雲畫弦素管聲淺繁  
花裙綵繡步秋塵桂葉刷風桂墜子青狸哭血寒狐死  
古壁彩蚪金帖尾雨工騎入秋潭水百年老鴉成木魅  
笑聲碧火巢中起

神絃

女巫澆酒雲滿空玉爐炭火香瑟瑟海神山鬼來座中

紙錢窸窣鳴颼風相思木帖金舞鸞攢蛾一唳重一彈

欽定四庫全書

御定全唐詩集

第五十一

三十一

呼星召鬼歌杯盤山魁食時人森寒終南日色低平灣  
神兮長在有無間神嗔神喜師更顏送神萬騎還青山

將進酒

琉璃鐘琥珀濃小槽酒滴真珠紅烹龍炮鳳玉脂泣羅  
帷繡幕圍香風吹龍笛擊鼉鼓皓齒歌細腰舞況是青  
春日將暮桃花亂落如紅雨勸君終日酌酌醉酒不到  
劉伶墳上土

美人梳頭歌

西施曉夢綃帳寒香鬟墮髻半沉檀輓轆呀啞轉鳴玉

驚起芙蓉睡新足雙鸞開鏡秋水光解鬟臨鏡立象牀

一編香絲雲撒地玉釵落處無聲膩纖手卻盤老鴉色

翠滑寶釵簪不得春風爛漫惱嬌慵十八鬟多無氣力

妝成髮髻散不斜雲裾數步踏雁沙背人不語向何處

下階自折櫻桃花

官街鼓

曉聲隆隆催轉日暮聲隆隆呼月出漢城黃柳映新簾

欽定四庫全書

御定全唐詩集

第五十一

三十一

柘陵飛燕埋香骨碓碎千年日長白孝武秦王聽不得

從君翠髮蘆花色獨共南山守中國幾迴天上葬神仙

漏聲相將無斷絕

崑崙使者

崑崙使者無消息茂陵烟樹生愁色金盤玉露自淋漓  
元氣茫茫收不得麒麟背上石文裂蚪龍鱗下紅肢折  
何處偏傷萬國心中天夜久高明月

古鄴城童子謠效王粲刺曹操

鄴城中莫屢起探黑丸砍文吏棘為鞭虎為馬團圍走  
鄴城下切玉劍射日弓獻何人奉相公扶轂來關右兒  
香掃塗相公歸

近體詩

示弟

別弟三年後還家一日餘醪醕今夕酒細帙去時書病  
骨猶能在人間底事無何須問牛馬拋擲任梟盧

七夕

欽定四庫全書

御定全唐詩集

卷五十一

別浦今朝暗羅帷午夜愁鵲辭穿線月花入曝衣樓天  
上分金鏡人間望玉鈎錢塘蘇小小又值一年秋

過華清宮

春月夜啼鴉宮簾隔御花雲生朱絡暗石斷紫錢斜玉  
腕盛殘露銀銙點舊紗蜀王無近信泉上有芹芽

謝秀才有妾縞練改從於人秀才引留之不得後

生感憶座人製詩嘲誚賀復繼四首

誰知沉憶雲望斷梨花春荷絲製機練竹葉剪花裙月

明啼阿姊銙暗會良人也識君夫塔金魚掛在身

銅鏡立青鸞燕脂拂紫綿腮花弄暗粉眼尾淚侵寒碧

玉破不復瑤琴重撥絃今日非昔日何人敢正看

洞房思不禁蠶子作花心灰暖殘香炷髮冷青蟲簪夜

遙銙皎短睡熟小屏深好作鴛鴦夢南城罷擣砧

尋常輕宋玉今日嫁文鴛戟輪橫龍篋刀環倚桂窗邀

人裁半袖端坐據胡牀淚濕紅輪重棲鳥上井梁

追賦畫江潭苑

欽定四庫全書

御定全唐詩集

卷五十一

吳苑曉蒼蒼宮衣水澱黃小鬟紅粉薄騎馬珮珠長路  
指臺城迴羅薰袴褶香行雲霽翠輦今日似襄王

寶袂菊衣單蕉花密露寒水光蘭澤葉帶重剪刀錢角

暖盤弓易鞞長上馬難淚痕露寢帳勺粉照金鞍

剪翅小鷹斜緇根玉鏃花鈿垂妝鈿粟箭箠釘牙鞦

鶉啼深竹鴉鶻老溼沙宮官燒蠟火飛燼汗鉛華

十騎簇芙蓉宮衣小隊紅練香薰宋鶻尋箭踏盧龍旗

濕金鈴重霜乾玉銙空今朝畫眉早不待景陽鐘

馮小憐

灣頭見小憐請上琵琶絃破得春風恨今朝直幾錢裙  
垂竹葉帶髻溼杏花烟玉冷紅絲重齊宮駕妾鞭

答贈

本是張公子曾名萼綠華沈香燠小像楊柳伴啼鴉露  
重金泥冷杯闌玉樹斜琴堂沽酒客新買後園花

惱公

宋玉愁空斷嬌鏡粉自紅歌聲春草露門掩杏花叢注

欽定四庫全書

御定全唐詩錄  
卷五十一

三五

口櫻桃小添眉桂葉濃曉奩妝秀靨夜帳減香筒鈿鏡  
飛孤鶻江圖畫水蕙陂陀梳碧鳳腰裏帶金蟲杜若含  
清露河浦聚紫茸月分蛾黛破花合靨朱融髮重疑盤  
霧腰輕下倚風容書題豆蔻隱語笑芙蓉莫鎖茱萸匣  
休開翡翠籠弄珠驚漢燕燒蜜引胡蠶醉纈拋紅綉單  
羅挂綠蒙數錢教姪女買藥問已實勻臉安斜雁移銜  
想夢能腸攢非束竹弦急是張弓晚樹迷新蝶殘蛻憶  
斷虹古時填渤海今日鑿崆峒繡袞袞長慢羅裙結短

封心搖如舞鶴骨出似飛龍并檻淋清漆門鋪緞白銅

隈花開兔徑向壁印狐蹤玳瑁釘簾薄琉璃疊扇烘象  
牀綠素柏瑤席卷香葱細管吟朝幌芳醪落夜楓宜男

生楚巷梔子發金墉龜甲開屏濕鷺毛滲墨濃黃庭留

衛瓊綠樹養韓馮雞唱星懸柳鴉啼露滴桐黃娥初出  
座寵妹始相從蠟淚垂蘭燼秋蕪掃綺櫳吹笙翻舊引

沽酒待新豐短佩愁填粟長絃怨削菘曲池眠乳鴨小

閣睡娃僮褥縫蓼雙綫鈎緙辦五總蜀烟飛重錦峽雨

欽定四庫全書

御定全唐詩錄  
卷五十一

三五

澱輕容拂鏡羞溫嶠薰衣避賈充魚生玉藕下人在石  
蓮中含水灣蛾翠登樓漢馬髮使君居曲陌園令住臨  
邛桂火流蘇暖金爐細炷通春連王子態鶯囀謝孌慵  
玉漏三星曙銅街五馬逢犀株防膽怯銀液鎮心忪跳  
脫看年命琵琶道吉凶王時應七夕夫位在三宮無力  
塗雲母多方帶藥翁符因青鳥送囊用絳紗縫漢苑尋  
官柳河橋閔禁鐘月明中婦覺應笑畫堂空

王濬墓下作